

MAGAALADA SEATTLE

BIXINTA LACAGAHA AQOONSIGA SHAQAALAHA CARRUURTA

Su'aalaha Inta Badan La Isweydiyo ee Loogu Talagalay Adeeg Bixiyaasha Daryeelka Carruurta

1. Waa maxay ujeedada laga leeyahay lacag bixinta aqoonsigan?

Magaalada Seattle waxa ay u qoondaysay ku dhawaad \$2,900,000 oo lagasoo qaaday Seattle Rescue Plan funds ee loogu tala galay bixinta mushaarka aqoonsiga shaqaalaha dhammaan ee kujira Department of Children Youth and Their Families (DCYF, Waaxda Carruurta, Dhallaanka iyo Qoysaska) barnaamijyada daryeelka carruurta ee ruqsada ka haysta kuna shaqeeya guriga iyo xarunta ku dhexyaala gudaha magaalada Seattle. Sanduuqyada ayaa doonaaya inay aqoonsadaan shaqada muhiimka ah ee ay hayaan macalimiinta waxbara daryeelkana siiya carruurta yaryar inta lagu jiro xaalada degdega ah ee caafimaadka dadwaynaha. Waxaa mahad iska leh Seattle Childcare Business Coalition (SCBC, Isbahaysiga Ganacsiga Daryeelka Carruurta ee Seattle), iyadoo lala kaashanayo Machadka Fursadda Dhaqaalaha ee u doodista deeqdan.

2. Yaa u qalma inuu codsado lacagaha bixinta aqoonsiga shaqaalaha daryeelka carruurta?

Ujeedada fursadaan waa in mudnaanta la siiyo barayaasha waxbarashada hore iyo shaqaalaha daryeelka carruurta kuwaas oo ka shaqeynayey barnaamijyada daryeelka carruurta ee ku yaala Magaalada Seattle inti lagu jiray masiibada cudurkan.

Codsiga lacagahaas waa in uu soo gudbiyaa loo shaqeeyaha. Marka laga hadlayo adeeg bixiyaasha daryeelka carruurta, kani ayaa ah ruqsad haystaha. Ganacsiyada helayo lacagahaan waxa ay mas'uul ka noqon doonaan ugudbinta shaqaalahooda uqalma. Siinta faa'iidada kuwa hadda la shaqaaleysiiyey ayaa xaqiijin doonta in loo shaqeeyayaasha ay bixin karaan lacagaha.

Qeexidda shaqaalaha uqalma:

- Dhammaan shaqaalaha daryeelka carruurta kuwaas oo ka shaqeeya goobta DCYF ee xarunta daryeelka carruurta ruqsada haysta ama barnaamijka daryeelka carruurta qoyska ku yaala gudaha xuduudaha magaalada Seattle iyadoo aan loo eegin xaaladaha shaqada waqtiga buuxa ama niska shaqeeya ayaa uqalma lacagahan.
- Shaqaalaha ku jiray liiska mushaarka ugu yaraan lix billood 2021 mid kamid ah aasaaska daryeelka carruurta ku saleysan xarunta ama guriga ruqsada haysta ee DCYF oo wali ka shaqeeya xarun uqalanta ruqsada marka la joogo taariikhda codsiga. Qofka ayaa uqalmi kara haddii ay kasoo shaqeeyeen wax kabadan hal mehrad daryeelka carruurta ruqsada haysta ah ee DCYF oo ku yaala magaalada Seattle haddii ay dhammaan isugeynta waqtiga ay tahay ugu yaraan lix billood. Waqtiga ka shaqeynta goobo badan ee sanadka 2021 ma ubaahna in ay halmar noqdaan.
- Illaa inta uu shaqaaluhu ka shaqeynayo xarun daryeel oo carruurta ah oo kutaala gudaha xuduudaha magaalada Seattle, ayaga laftirkoodu uma baahna in ay noqdaan ree Seattle.
- Barnaamijyada ka baxsan Seattle, oo ay ku jiraan goobaha baadiyaha ah ee Degmada King, uma qalmaan fursaddaan deeq bixinta. Daryeel bixiyaasha u adeega carruurta da'ada iskuulka ah, kana reeban ruqsada kuwaas oo ka hawlgala gudaha Magaalada Seattle ma u qalmaan. Qoyska, saaxiibka iyo dariska daryeel bixiyayaasha uma qalmaan.

- 3. Waxa aan ahay bixiye daryeelka caruurta qoyska kaas oo si toos ah ula shaqeeya carruurta xaruntayda ruqsada ka haysata DCYF Ma codsan karaa lacagtaan aqoonsiga aniga ahaantayda?**
Haa. Ma ubaahnid in aad leedahay shaqaalo lasoo kireystay. Haddii aad tahay bixiyaha Family Child Care (FCC, Daryeelka Caruurta Qoyska) kuwaas oo si toos ula shaqeeyo caruurta inta badan galinkaada oo mehradiisa ruqsada DCYF ay kutaalo gudaha xuduudaha Magaalada Seattle, waxaad isku xisaabini kartaa shaqaale uqalma haddii aad buuxiso shuruuda lixda bilood ah ee kor lagu sharaxay.
- 4. Ka ahaan bixiyaha daryeelka carruurta qoyska ee ruqsada haysta ama bixiye ku saleysan xarunta, miyaan ku qasbanahay in aan ufurnaado oo aan u adeego carruurta si aan ugu qalmo deeqdan?**
Haa, waa in aad hadda ufurnaado oo qaadata caruurta. Barnaamijkaagu waa inuu diiwaangeliyey oo u adeegay ugu yaraan hal canug lixdii bilood ee ugu dambeysay sanadkan.
- 5. Waa maxay cadadka deeqda?**
Shaqaalaha daryeelka canug kasta ayaa heli doona lacag isku mid ah. Cadadka guud ee lagu abaal marinayo mushaharka aqoonsiga shaqaale kasta ee daryeelka caruurta ee ruqsada haysta waxa ay ku xirnaan doontaa tirada guud ee shaqaalaha u qalma ee ay codsadeen soo codsadaayaasha.
- 6. Deeqahaani ma yihiin kuwo loo tartamo?**
Maya, deeqaha ma ahan kuwo loo tartamo.
- 7. Daryeel bixiyuhu ma looga baahan yahay inuu u adeego qoysaska helaaya kaalmada dawladda Working Connections Child Care (WCCC, Daryeelka Carruurta Xiriirka Shaqeeya ama ka diiwaangashan) Child Care Assistance Program (CCAP, Barnaamijka Kaalmada Daryeelka Carruurta) si uu ugu qalmo deeqda?**
Maya. Bixiyaha daryeelka caruurta ruqsada ka haysta mid kamid ah DCYF kuyaala gudaha magaalada Seattle wuu codsan karaa deeqda, haddii ay qaadanayaan Working Connections Child Care (WCCC) ama Child Care Assistance Program (CCAP) iyo haddii kalaba.
- 8. Adeeg bixiyaha miyaa loo baahan yahay in lagu qoro Early Achievers (Guuleystayaasha Hore)?**
Maya. Bixiyaha daryeelka caruurta ruqsada ka haysta mid kamid ah DCYF ee kuyaala gudaha magaalada Seattle wuu codsan karaa.
- 9. Deeqdaan maxaa loo isticmaali karaa?**
Si ay uhelaan lacagta, bixiyeyaasha waxaa looga baahan yahay inay heshiis la saxiixdaan Magaalada Seattle. Lacagtu waa in toos loogu diraa shaqaalahaaga uqalma. ***Daryeel bixiyaasha waxaa looga baahan doonaa inay keydiyaan diiwaanada la xiriira isticmaalka lacagaha oo diiwaanka la wadaagaan Magaalada haddii laga codsado.***
Lacagtaan aqoonsiga ma xanbaarsana wax xadidaad ah oo la xiriira sida shaqaaluhu u isticmaalaan lacgtan.
- 10. Deeqaha ma si buuxda baa loo bixin doonaa?**
Cadadka deeqda oo buuxda ayaa loo bixin doonaa si buuxda ka dib marka la oggolaado codsiga. Daryeel bixiyaasha waxaa la siin doonaa lacagta iyadoo la isicmaalayo EFT ama jeeg warqad ah taas oo boostada loogu dirayo cinwaanka ku qoran codsiga deeqda. Lacagaha la siinaayo daryeel bixiyeyaasha waxaa la soo diri doonaa inta u dhexeysa Oktoobar 25 - Nofeembar 30, 2021.
- 11. Goorma ayay tahay inaan u gudbiyo shaqaalahayga dhaqaalahaan?**

Lacagtu waa in loo qaybiyaa shaqaalaha labada wakhti ee mushahar bixinta ee xigta ka dib marka uu helo lacag bixiyaha, waxa la doorbidayaa Diseembar 31, 2021.

12. Haddii aan ahay hay'ad leh goobo badan oo lagu daryeelo carruurta oo shati leh kuna salaysan Seattle, ma waxaan u baahanahay inaan codsi gooni ah u soo gudbiyo goob kasta?

Haa. Barnaamijyadu waxay qori doonaan magaca ganacsigooda iyo ruqsada aqoonsiga DCYF # oo qayb ka ah arjiga. Codsade kasta waa in uu haystaa lambarka ruqsad u gooni ah ee DCYF.

13. Waraaqo/dukwentiyo nooc ee ah ayaan ubaahanahay inaan soo gudbiyo?

Kadib ogeysiinta abaalmarinta deeqda, waxaad u baahan doontaa inaad soo gudbisno ruqsada ganacsiga Gobolka Washington oo leh Unified Business Identifier (UBI, Aqoonsiga Ganacsiga Midaysan) ama ruqsada daryeelka carruurta ee DCYF iyo W-9. oo dhameystiran oo saxiixan. Daryeel bixiyaasha la ansixiyay ayaa sidoo kale looga baahan doonaa inay Magaalada Seattle la saxiixaan Heshiiska Sharciyeed, kaas oo lagu soo diri doono DocuSign.

14. Lacagaha deeqda mala canshuuraa?

Lacagta deeqda ah waxaa loo tixgeliyaa dakhli ahaan. Marka laga hadlaayo canshuur ka qaadista, deeqaha waa in loola dhaqmaa si la mid ah dakhliyada kale ee soo gala ganacsigaaga.

Bixiyeyaasha waxa ay reeban karaan illaa 15% ee deeqda loo qoondeeyey ah si ay ugu daboolaan qarashaadka ku baxaya ganacsiga ee ugudbinta deeqda shaqaalahooda wixi la xiriira canshuuraha iyo/ama kharashka maamulka. Baaqiga soo haraya waa in loogu gudbiyaa shaqaalaha si toos ah. Fadlan la soco wax kasta oo sii haynta mushaarka waxa ay sii yareyn kartaa cadada magdhawga ee udanbeysa ee shaqaale kasta.

Tusaale ahaan, aan kasoo qaadno in shirkadaada ay sheegatay 20 qof codsigaada, oo aadna heshay \$5,000. Shirkadaada waxaa loo ogolyahay in ay reebato ilaa 15% (Tusaalahan, taasi waxa ay noqoneysaa \$750) si ay udaboosho wixi canshuura ah ama kharashaadka maamulka ee ugudbinta mushaarka shaqaalahaada. Tani micnaheeda waxa ay tahay waxaa lagu xilsaaray ugudbinta ugu yaraan \$4,250 ee 20 shaqaale ee sheegatay.

Talo ka doono lataliye canshuur oo xirfad leh wax ku saabsan saameyntaada ganacsi ee gaarka ah.

15. Daryeel bixiyeyaashu ma u baahan yihiin inay keydiyaan oo ay soo gudbiyaan risiityada la xidhiidha deeqdaan?

Daryeel bixiyaasha waxaa looga baahan doonaa inay keydiyaan diiwaanada la xiriira isticmaalka lacagaha oo diiwaanada la wadaagaan Magaalada haddii laga codsado.

16. Ma jirtaa waqti kama dambays ah oo lagu codsado deeqdan?

Haa. Waqtiga kama dambaysta ah ee la codsanayo waa October 11, 2021, ugu dambeyn 11: 59 pm **Waqtiga Baasifiga ee Maalinti.**

17. Sidee daryeel bixiyuhu u codsadaa lacagta aqoonsiga?

September 20, 2021, bixiyeyaasha daryeelka caruurta ee ku yaal Magaalada Seattle waxay heli doonaan iimayl oo uu kujiro lifaaqa codsiga. Bixiyuhu waxa uu gujin doonaa lifaaqa codsiga deeqda, halkaasoo ay kaga jawaabi doonaan dhowr su'aalood oo gaagaaban oo ay kujiraan magaca ganacsigaaga, cinwaankaaga, lambarka aqoonsiga bixiyaha ruqsada ama Unified Business Identifier (UBI).

Codsiga deeqda ayaa laga heli kari doonaa si oonlayn ah, iyo qaab Pdf ah, oo ku qoran luuqadaha Ingiriis, Amharic, Carabi, Shiinees la fududeeyey, Oromo, Soomaali, Isbaanish, iyo Vietnamese. Codsiga PDF-ka ah waa la daabici karaa, la buuxin karaa, loona gudbin karaa DEELfunding@seattle.gov.

18. Ka waran haddii adeeg bixiye u baahdo caawimaad dhanka buuxinta codsiga ah?

La xiriir Tababarahaaga ee Early Achievers si aad uga hesho wixii caawimaad ah. Haddii aadan garanayn qofka uu yahay Tababarahaaga, khadkaTaageerada Adeeg bixiyaha ee Child Care Resources ka wac 1-800-446-1114.

19. Sidee iyo goorma ayuu daryeel bixiyaha u heli doonaa lacagta deeqda?

Ogeysiiska abaalmarinta ugu dambeeya waxaa la sameyn doonaa bartamaha Oktoobar. Dhammaan bixiyeyaasha waxaa lagu ogeysiin doonaa xaaladdooda abaalmarineed iyadoo loo marinayo iimayl. Daryeel bixiyaasha waxaa la siin doonaa lacagta iyadoo la isicmaalayo lacag dhigis toos ah oo bangiga ah ama jeeg warqad ah oo boostada loogu dirayo cinwaanka ku qoran codsiga deeqda. Lacagaha la siinaayo daryeel bixiyeyaasha waxaa la soo diri doonaa inta u dhexeysa Oktoobar 25 - Nofeembar 30, 2021.

20. Kawaran haddii shaqaale uu katago barnaamijkeyga kadib gudbinta codsiga?

Haddii shaqaale kaas oo lagu xisaabiyey mid uqalma codsiga aanan kasi shaqeyn doonin goobta xaruntaada daryeelka caruurta, oo ay tanina utaagan tahay 25% ama kayar tirada shaqaalaha ee loo aqoonsaday in ay uqalmaan, barnaamijku waa in uu udiraa, si isla eg, qadarka abaalmarinta aqoonsiga oo buuxda ee shaqaalaha uqalma ee hadda shaqeynaya.

Haddii in ka badan 25% shaqaalahaaga soo xadiray ee aad sheegtay in ay xaq u leeyihiin aysan ka sii shaqaynayn barnaamijkaaga, qaddarka abaalmarintaadu waxay u baahan doontaa in dib loo xisaabiyo oo waa inaad la xiriirtaa DEELfunding@seattle.gov.